

國家圖書館藏歷史檔案文獻叢刊

稀見清咸豐軍事外交諭令秘件

第2冊

全國圖書館文獻縮微復制中心

國家圖書館藏歷史檔案文獻叢刊

稀見清咸豐軍事外交諭令秘件

第 2 冊

全國圖書館文獻縮微複製中心



又諭譚廷襄等奏夷船駛入內河並呈遞俄夷來文
各摺片覽奏殊堪憤懣該夷先啟兵端狂悖至此以
情理而論直不能再與說合惟有斥回廣東與之一
決所以仍俟俄味回信者因念天津為近畿重地姑
與轉圜以為緩兵之計乃俄夷來文仍執進京為說
欲在天津府地城會議設令該夷恃強占踞豈不蹈
廣東覆轍此皆萬不能行之事該督等所稱仍示羈
縻竟如何辦法豈事事允準遂為羈縻之法耶至沈

船阻水原須節節設備原非一二處所能阻隔且兩岸必須有兵防守庶使該夷拔船起定之時岸上即可轟擊今覽所奏似止單層一道岸上又無兵勇致有失殊堪痛恨據稱將北運河隄決口洩水能否使夷船涸淺不至深入至分布兵勇於近城一帶固係防其內犯然自近城至海口百餘里豈遂置之不顧任聽該夷白結奸匪要脅良民私通貿易日久相安豈不以大沽為香港而以天津為廣州將來何能驅

之使去該督等於夷務辦理月餘毫無把握迨事機
決裂又不能遠守而節節退避竟設竟闖入城中該
督等又將作何收拾耶京營官兵惟國瑞所帶未被
衝散則珠勒亨所帶自必亦已敗退著即查明據實
具奏本日據許乃普奏懸賞募勇襲擊夷船是否可
辦著將原摺鈔給該督等閱看如何採擇亦足懾該
夷之膽其另片所稱稽察奸民安插水手並廉兆綸
奏招集水手編為義勇各等語如海運船隻尚未出

口則照此辦法亦可潛消隱患廉兆綸所稱辦團紳士費蔭章鄉望未妥之處著譚廷襄另擇素洽輿論之人專司團練以期得力原摺片均著鈔給閱看將此由六百里密諭譚廷襄烏爾棍泰托明阿並傳諭錢忻和知之 辛酉諭軍機大臣等譚廷襄等奏夷船直抵津關一摺據稱十四日逆夷火輪船直抵津關在後之船亦相聯而進並未上岸滋擾該督等令府縣往見該夷請另派大臣前往共議等語逆夷駛

抵津關逼郡城猖獗已極惟請另派大臣前往商議
未必非自願轉圜現在津郡設備全不足恃若再拒
之必至荼毒小民本日已明降諭旨派大學士桂良
吏部尚書花沙納前往查辦譚廷襄等接奉此旨即
可宣示該夷告以大皇帝特派大學士尚書前來相
見即可毋庸進京惟二十日以前恐不能到須少遲
一二日必來會晤也天津人煙輻臻輳若令其在城
內見面恐居民惶惑海口為逆夷占踞桂良等亦未

便可於離城二三十里擇地相見須陳兵防衛不可大意該夷既云先派之王大臣可不再見譚廷襄等即毋庸與之接見至委員人等往來其間情形熟悉仍可隨同桂良等前往夷船既逼近郡城該處人心難免驚慌譚廷襄務當親督地方官妥為安撫以固民心仍須設法防其上駛毋得以有欽派大臣遂可卸責也凜之慎之將此由六百里密諭譚廷襄烏爾棍奏泰托明阿並傳諭錢忻和知之 命大學士桂

良吏部尚書花沙納馳往天津查辦事件 壬戌諭
僧格林沁瑞麟奏抵通布置情形並請調黑龍江等
處官兵一摺僧格林沁等於通州東關外運河兩岸
劄營布置水陸兩路因所帶兵力尚單擬豫為備調
黑龍江吉林兩處官兵已諭令景瀋奕山各調五百
名其哲里木盟昭烏達盟蒙古兵各一千名已諭理
藩院資調但天氣漸熱恐水土不服已令暫駐熱河
矣昨派桂良花沙納前往天津籌辦夷務能否理諭

尚未可定設該夷另換小船由運河北駛我之礮力
足以禦之著僧格林沁等在沿河一帶節節設防托
明阿現在楊村駐劄並有珠勒亨馬步隊正可聯絡
堵截以固藩籬譚廷襄毫無布置天津兵勇已不足
恃所稱北河橫淺業已決口洩水層層阻滯著僧格
林沁等悉心體察不可有名無實其通州負米人夫
為數甚多著嚴飭地方官妥為彈壓毋令滋事將此
密諭知之 又諭昨因譚廷襄等奏請已派桂良花

納^沙納馳往天津籌辦夷務矣茲復據奏稱夷船窺伺北河迅宜截堵等語逆夷反覆無常以直入北河為挾制之具該河水勢尚多淺阻最易設防該督等所稱決口洩水等事必須實力督辦務令層層阻隔方有把握斷不可仍前玩泄致干重罪桂良等約於二十到京津能否與該夷說妥尚難豫定該督等仍當稽察奸宄鎮定人心以資捍衛再聞夷船內有長髮潮勇為之嚮導該夷來自廣東上海難保無此等匪

徒與之白結並著該督等於沿途密察防範毋令潛
入郡城將此由五百里密諭譚廷襄烏爾棍泰托明
阿並傳諭錢忻和之 調黑龍江吉林兵各五百名
來京聽調哲里木盟昭烏達盟蒙古兵各一千名暫
駐熟河聽調 癸亥諭譚廷襄等奏夷船窺伺北河
因水淺退回一摺諒夷小大輪船一隻行至北河王
即被淺阻漸漸退回該夷不能遽行北駛桂良花沙
納不日抵津與該夷會晤惟初次接辦於其中曲折

尚恐未能深悉著崇綸隨同接見以便將從前辦理
准駁之處隨時申說不為該夷所蒙混至相見時應
照會該夷將夷船退出或十數里或數里方可與之
會議所稱奸民煽惑此時雖未便輕動該督仍督率
地方官妥為彈壓儻有土匪滋事即行從嚴懲辦商
人張錦文辦理城關練勇既能得力著即責成該商
認真經理將此由六五里_百密諭譚廷襄崇綸烏爾棍
泰並傳諭錢忻和知之 以天津馬隊退散革正黃

旗護軍統領珠勒亨職仍留任 甲子諭軍機大臣
等昨據譚廷襄奏暎夷小火輪船至北河王家庄即
被淺阻漸漸退回是該夷此時不敢遽行北駛仍應
於水陸兩路節節設備以免疏虞據軍機^章京焦祐祐
瀛呈稱北運河岸楊村有壩一道南運河岸靜海縣
以上亦有壩一道若啟放洩水則天津海河來源已
斷可使夷船閘洩淺等語北運河一帶瑞麟已前往
查看其南運河是否可以照辦著僧格林沁即派妥

員會同該地方官查明辦理原呈抄給閱看將此諭
令知之 調察哈爾續撥官兵一千名赴科爾沁親
王僧格林沁軍營聽候調遣 乙丑諭軍機大臣等
前因夷船駛抵津關復圖窺伺北河節經諭令襄譚
廷襄等將決口洩水等事迅籌妥辦並諭僧格林沁
等悉心體察於運河兩岸節節設防以資堵截本本
日復據修撰張之萬奏北運河至自津郡而上為西
沽再上為桃花口蒲口楊村而楊村市鎮較大為剝

船停之所易啟夷情窺伺請飭帶兵大臣統籌形勢
先據要隘即於楊村以下擇河流曲折處所或下木
椿或用囊沙層層堵塞即以精銳之師列營屯守該
夷斷不敢舍舟登陸各等語夷船現欲泝流北駛以
為挾制雖其小大輪船於王家莊阻淺退回而當此
夏令雨多河流恐其復旺必得層層阻隔使不得乘
潮而上方免意外之虞著僧格林沁瑞麟體察情形
妥籌辦理至前諭於王家務筐兒港兩處引河淺水

聞居民恐田地被淹多不樂從該處河流本有入海故道即昨日焦祐瀛所呈各河口皆係減水引河原於民田無礙但恐任意開放浸及民田轉致民間惶惑著僧格林沁等妥籌啟放毋拂輿情將此密請諭知之 又諭本日據譚廷襄等奏夷船退回三岔岔河待撫惟探聞該夷船內暗帶潮勇且有步隊近日海外又有續到之船該夷復因望海樓有空屋數間堅欲暫住禁阻不聽情形實為巨測請嚴放防陸路